

IMA ABASI

1 Nwedi Corinth 13:1-13

QYQH QKPEP-NKPO 355

Eke Mkpawara

IKQ IBUOT: “Ntem ke mbuotidem, ye idori-enyin, ye ima esuk edu, mmọ mbita; edi andikpon-nkan ke otu mmọ edi ima” (1 Nwedi Corinth 13:13).

Ima

“Abasi edi ima; ndien owo emi odunde ke ima ododu ke Abasi, Abasi onyũ ododu enye ke idem.” Mbon Abasi enyene ima Abasi ke esit mmọ koro Abasi odude ye mmọ. Ke ini mme owo ebode erinyaña ukpõ, efen mme idiok-nkpõ mmọ ndien Abasi esin ima Esie ke esit mmọ. Ke ini enamde mmọ esana, esit mmọ asana ndien mmọ enyene ima Abasi emi okponde akan. Mmọ emi enyenede erinyaña ukpõ ikpõ enyene ata ima owo Abasi, koro Abasi onimde emi qnọ udeme Esie.

Ima emi Abasi esinde ke esit ikot Esie ekot enye, ima owo Abasi ye ima ndito-ete. Etoño ntak ekot enye ete “Mfon-ido”; edi oro otuño akan ndino ubuene nkpõ. Mfon-ido emi, mme ima, edi udõ ndiyom uforo, idõesit, ye inemesit mbon efen. Ekeme ndikut emi ke mme edinam nnyin ye ekikere nnyin ke abaña mbon efen.

Ufon Emi Odude Ke Ima

Ndimam mbon Abasi edi idiõ kiet emi ayarade owut ete nnyin idi eke Esie. Jesus okodõ ete: “Mbufo ema ema kiet eken, kpukpru owo eyeda oro efiok ete mbufo edi mbet Mi” (John 13:35). Ke se Peter ewetde nnyin ikot, “Akan kpukpru nkpõ, enyene ufiop-ufiop ima ke otu idem mbufo” (1 Peter 4:8). Akan kpukpru nkpõ! Ebem iso etiñ ebaña ima nte nti edu emi edõõde ke “Mfri Spirit” (Nwedi Mbon Galatia 5:22). Ekot ima “andikpon-nkan nkpõ ke ererimbot.”

Eto Udomo-nkpõ

Paul ama ewet qnọ mbon Corinth abaña ima owo Abasi, emi enye okotde” mfon-ido.” Itie nwedi emi ke Nwedi Abasi edi ibuot nwedi ima. Enye edi eto udomo-nkpõ emi ikemede ndida ndomo uwem owo Abasi nnyin. Nte nnyin ikpepde ukpep-nkpõ emi, Yak ida uwem nnyin idomo ke eto udomo-nkpõ man Abasi owut nnyin nte ikpenamde qfon inyuñ idi nti ndito Abasi inọ Qbõ. Kpukpru ndito Abasi enyene nti edu emi koro ima Abasi odude ke esit mmọ, me mmọ edu ke mmõ, me mmọ edi mme anie, me edi mkpawara me nkani owo, idighe ubiõ inọ mmọ.

Ima Iduhe

Paul owut ukpuhore ke ufot ima ye mme nkpõ efen emi ekemede ndidi nti. Ediwak owo enyene udõ nditiñ usem mbon efen; edi kpukpru owo ekeme ndifiok usem ima, emi ewetde ke inua imam, ye mbom, ye ke mme edinam mfon-ido eken.

Ediwak owo eyema nditiñ ikõ ke edu eke owutde ete mmọ ekeme ndidõ ikõ. Moses ama okut unana ukeme esie ndidõ ikõ. Ke ini Abasi okokotde enye ndida Nditõ Israel usuñ nworo ke Egypt, Moses ama odõ ete, “Ami ndighe owo udõ-ikõ, ... koro ami ndobide inua, nnyũ ndobide edeme” (Exodus 4:10). Edi Abasi ama odõ ete ke Imõ iyekpep Moses se edidõõde. Ndititiñ ikõ ke edu eke eyede edi se emade, edi oro idighe ata akpan nkpõ. Paul ada udõ-ikõ eke minyeneke ima odomo ye ukpõk “nyomo nte akpankpan, ye uyo nte ekpri nkanika” (2 Nwedi Corinth 13:1).

Paul odõ ete ke imõ ididighe nkpõ baba kiet edieke miyeneke ima, edieke imõ ikpekemede nditiñ ntiñ-nnim ikõ nnyũ ntiñ mbaña mme nkpõ ini iso; edieke ikpefiokde mme ntõtuñ ndibe nkpõ Abasi; edieke inyenede ifiok ye ukpep-nkpõ emi otode mme nwedi ye mme andikpep; edieke ikpenyenede mbuotidem ndiwubere obot. Se ikponde ikan kpukpru emi edi ima Abasi emi ke esit ikot Esie.

Ediwak owo enyene ido ndino owo nkpõ. Mmọ enõ mme ubuene ye mmọ eke enanade. Mmọ eken enam akpanikõ enyuñ ewa idem tutu enõ uwem mmọ. Edi ke ima Abasi miduhe, mme nkpõ emi idoro ke udori baba kiet eke ebighide. Mme enõ emi Paul eketiñde abaña mi edi se ifõde eti-eti, edi mmọ ikemke. Owo enyene ndiyene ima Abasi.

Ime Ye Mfon-ido

“Ima enyenyene anyan ime.” Ima Abasi eyenọ owo ime. Job ama enyene ime koro enye ekedide owo Abasi. Ke ini nditọ Job ye inyene esie mikeduhe aba enye ama ọdọhọ ete: “Jehovah ọkọnọ, Jehovah onyũn ọbọ; ekọm enyĩn Jehovah” (Job 1:21). Nte Job akade iso ndibọ ufen, enye ama ayak idem esie esin ke uduak Abasi. Enye ọdọhọ ete: “Koro enye ọfiokde usuĩ eke odude ye ami: enye odomo mi: nyewọrọ mbiet gold. Ukot mi omum ikpat esie, mmekpeme usuĩ esie, nnyũn ñwahake” (Job 23:10, 11). Nte afo emenyene ime ke ini etiede nte ñkpọ itimke ifọn? Ndisuk afo enyene ndinyene ima Abasi ke esit fo man ọnọ fi ime, midighe, afo enyene ndikọri ke ime ye ke ima Abasi.

“Ima ... ọfọn-ido.” Ke se Paul ewetde ọnọ mbon Ephesus nnyin ikot, “Efọn ido ye kiet eken” (Nwede Mbon Ephesus 4:32). Joseph edi eti uwut-ñkpọ owo emi okowutde mfọn-ido kpa ye mmọ oro ekenamde enye idiok. Nditọ-ete Joseph ema esua enye, enyũn enyam enye enọ mme anyam-urua emi ekedade enye eka ke Egypt; edi ke ini akañ, Joseph onim nditọ-eka esie uwem ke ndinọ mmọ udia. Enye ama ọdọhọ mmọ ete, “Mmọdo mbufo ekufeghe ndik: ami nyebok mbufo ye nsek-nditọ mbufo. Enye onyũn ọdọn mmọ esit, onyũn ọdọhọ mfọn-mfọn ye mmọ” (Genesis 50:21). Afo owut mme anie mfọn ido? Ndi ye mmọ oro efonde ido ye afo ikpọn?

Ndisuhọre Idem

Ima Abasi ñko onyũn anam owo enem esit ke se enye enyenede akan ndifube ufup. Edọhọ nnyin ete “enem esit” ke mme ñkpọ eke inyenede (Mme Hebrew 13:5). Nnyin ikot, “uteñe Abasi edi akwa udori, ke ini asañade ye esit eke okutde ete se inyenede ekem” (1 Nwede Timothy 6:6). Mmọ eke esinde esit ke ñkpọ owo eyat esit ebaña nti ñkpọ eke mbio efen enyenede. Owo itinke baba eti ñkpọ kiet ibaña ufup. Mme mbuk mmọdo ke Nwede Abasi emi etiñde ñkpọ abaña mme mmọ oro ekenyenede ufup, ndien kpukpru mbuk oro edi ñkpọ mfuho. Cain ama owot eyen-eka esie ke ntak ufup. Mme owo emi ekenamde esin Daniel ke obube mme ekpe ekenam oro ke ntak ufup. Mme andidori Christ ikọ ekeyak Enye enọ ekọn ke eto, ke ntak ufup.

Ima anam owo ọsuhọre idem, akan ndimenere idem. Ke Ikọ Abasi, ekpep nnyin ndisuhọre idem. Kot baña ndisuhọre idem ke Mme Nke 22:4; James 4:10; 1Peter 5:5, 6. Kiet ke otu mme ñkpọ emi Abasi oyomde oto nnyin edi “ndisuk idem nsaña” ye Enye (Micah 6:8).

Iyomke Ufọn Esiemọ Ikpọn

“Ima ... inamke ido eke midotke.” Nte edi eti ido nditiñ ikọ mme ndibọp iso ke ini etrede ndinọ nnyin se ikebeñede ? Edieke ñkpọ misañake nte mmọ eyomde, ndusuk nditọwọn esinyene idiok edu uwem enyũn enam mmọ efen edu ke mfina tutu mmọ ebọ se mmọ ekeyomde. Edi utọ nditọ oro inyeneke ima Abasi ke esit mmọ.

“Iyomke ufọn esiemọ.” Ima anana ibuk ke usuĩ eke enye miyomke idem ñkpọ eke edide esiemọ. Se ukpuhọre mi ye spirit eke ererimbot, emi anamde mme owo edomo ndinyene kpukpru se mmọ ekemede, me edi unen mmọ ndinyene, me onyũn edi unen mmọ efen! Ata inemesit iduhe ke ndibọbọ, edi odu ke ndinọnọ. “Eti ikọ Ọbọn Jesus, emi Enye ọdọhọde ete, ọfọn ndinọ akan ndibọ” (Utom Mme Apostle 20:35).

Obufa Esit

“Ima ... isọpke iyaresit.” Ediwak edomo ke ikpikpu ndimum esit mmọ ñkama! Ke ini esit ayatde mmọ, mmọ etiñ enyũn enam ñkpọ eke mmọ efuhode ebaña ke ini akade iso. Ndisọp iyaresit ada owo okosim ifiop-esit, ufup ye edisio usiene. Ke ini owo ayatde esit, sededi emi enye etiñde me anamde idighe eti. Nkpọ iduhe ndinam man emum iyaresit enim, edi ekeme ndinam ebiet emi mfina ọtọnọde, emi edide esit ọfọn. Ima Abasi ọnọ eti uduot oro, emi misisọpke iyaresit.

“Ima ... ikamake udu.” Owo Abasi iduake idiok, inyũn ikereke udu. Enye inyeneke eyighe ibaña mmọ efen, ke ndiyom ndudue ke uwem mmọ. Nwede Mbon Philippi 4:8 ọnọ mme nti ñkpọ emi ekpekerede ebaña: ñkpọ eke edide akpanikọ, enyenede ukpono, enende, edide edisana, eke odotde ete enam, ọwọrọde eti etop: “edieke itoro onyũn odude, ekere ñkpọ oro.”

Ebighi Ke Nsinsi

“Ima idibehe ifep ke nsinsi.” Enye edi se idude ke nsinsi. Mme nkpo efen eyekpu, ebe efep, enyũ eno mme mbufa nkpo ifet. Mbuotidem, idorenyin, ye ima edu ke emi, edi ke Heaven idiyomke mbuotidem ye idorenyin, Ima ikpo edidu. Ke abana nkpo mbita emi Paul odoho ete, “Andikpon nkan ke otu mmọ edi ima.” Mbuotidem ye idorenyin edi ata akpan nkpo ye se eyomde ke uwem owo Abasi. Ke mbuotidem miduhe, owo ikemeke ndinem Abasi esit (Mme Hebrew 11:6). Mbuotidem edi erikan eke akande ererimbot (1 John 5:4). Edoho nnyin ete, “esoño ewana kabaña ikọ mbuotidem, emi ema ekeyak ini kiet ko esin nti ikot Abasi ke ubok” (Nwed Jude 3). Idorenyin edi ubak nkpo ekon owo Abasi, oro edi – “iyara idori-enyin erinyaña nte ndun ibuo” (1 Nwed Thessalonica 5:8). Idorenyin edi “ukwak ubom ukpo nnyin, eke midikpuhu nnyin, edi osone omum ison” (Mme Hebrew 6:19). Mbuotidem edi edu edinam nnyin ye Abasi. Idorenyin edi eke nnyin. Edi andikpon nkan mmọ emi, edi ima. Ima edi ima Abasi emi anamde nnyin ima mbohidun nnyin.

Nte afo ekpepe ukpep-nkpo emi onyũ odomode uwem owo Abasi fo ye eto udomo-nkpo, nte afo emekere ndinam ofon akan nte akanamde? Ti ete ke owo Abasi enyene ndisuk nka-ka iso nkori, ke ndinam mme mfon Abasi esie ododi on awak akan. Peter ete ke nnyin inyene ndisin ifik nnyũ ndian mme nti edu uwem emi: Mbuotidem, eti ido, ifiok, edifara ke idem, ime, utefe Abasi, iman, ye ima. Ke ndikori ke ido owo Abasi nnyin iyekeme ndinwum mfri spirit inyũ inam “ikot eke ekeotde mbufo ye erimek eke emekde mbufo osone ada,” inyũ idu ye Jesus ke nsinsi obio-ubon Esie. Edi edieke nnyin inanade mme nkpo emi, nsinsi uwem eyekpu nnyin. (Kot 2 Peter 1:5-11).

MME MBUME

1. Nso idi enyĩn efen eke ekotde ima?
2. Owo asana didie enyene ima?
3. Didie ke ima Abasi edi akpan-nkpo?
4. Didie ke ekeme ndifiok owo eke enyenede ima Abasi?
5. Kot ke 1 John 4:19 ntak emi nnyin imade Abasi.
6. Didie ke mme owo ekeme ndifiok ete ke nnyin idi mme anditiene Jesus?
7. Jesus ekekpep nnyin ete ikuma mbohidun nnyin ikpo, edi yak ima mme anie nko?
8. Nso itibe edieke owo Abasi mikorike?
9. Eti eno nnyin ete ke ima okpon akan nso nkpo iba efen emi edude, ke akpatre ufan nwed ke ukpep-nkpo nnyin?